



Er *Institut d'Estudis Aranèsis-Acadèmia aranesa dera lengua occitana* amassat en Conselh Permanent deth dia 14 de noveme de 2019, deuant deth conflicte existent entre Catalonha e Espanha

MANIFÈSTE que:

1.- Catalonha ei ua nacion qu'a dret a expressar democraticament era sua voluntat e a determinar liurament era sua relacion damb Espanha. Era Val d'Aran, realitat nacionau occitana, tanben.

2.- Er IEA-AALO ei defensora deth dret de reünion, de manifestacion e dera libertat d'expression, e lamente era respòsta ad aguesti drets damb repressions, persecucions, intimidacions, estigmatizacions, detencions preventives o empresoaments.

3.- Er IEA-AALO ei contra er emplec dera violéncia en quinsevolha accion. Era violéncia non ei jamès eth camin entà solucionar arren. Condenam er emplec dera violéncia que se n'a hèt enes darrères setmanes, per part de toti, e valoram positivament ad aqueri qu'an sabut manifestar-se pacificament.

4.- Lamentam es herits pes manifestacions des darrères setmanes e mos dolem especiaument per toti aqueri qu'an estat objècte d'agressions qu'an metut en un estat grèu era sua salut, per toti.

5.- Er IEA-AALO sent ua especiau preocupacion pera quantitat de joeni empresoadi e matractadi es darrèri dies. Er empresoament e persecucion de joeni ei un simptoma dera mala salut dera societat qu'ac realize.

6.- Era senténcia de condemna de cent ans de preson entàs persones vinculades as hèts que virèren ath torn deth Referendum der 1 d'octobre de 2017 ei injusta. Votar o organizar ua votacion non pot èster jamès considerat un delicte en ua societat civilizada, e

D E M A N E que

s'instituïsque immediatament un dialòg entre eth podèr espanhòl e eth podèr catalan, ath maxim nivèu, que solocione eth conflicte per mieis politics, que dèishe de perseguir as joeni, que pòrte ara libertat des presoèrs politics e ath respècte dera voluntat collectiva deth pòble catalan.